

佛說大方廣十輪經

第  
四

九十七  
帛四

47738



元祿九年丙子二月日重脩

皇圖聚固 帝漸綴昌

佛日增輝 懋輪常轉

山城州天安寺法金剛院置





佛說大方廣十輪經卷第四

失譯今附北涼錄

刹利旃陀羅現智相品第六

尔時地藏菩薩白佛言世尊是刹利旃陀羅  
輔相旃陀羅少於善根不肯信向諂曲愚癡  
自稱多智皆生憍慢不畏後世惡業果報離

善知識乃至趣向阿鼻地獄為財利故與此  
惡行諸比丘等作非法朋黨佛言如是如是  
善男子於未來世刹利旃陀羅乃至婆羅門  
旃陀羅善根微少無有信心欺詐諂曲是諸  
愚癡現智智慧相不隨善知識語實是愚癡現  
為智慧心常疑悔不畏後世而無禁戒作者



殺生乃至邪見欺誑於他於諸世間常行誹  
謗語刹利旃陀羅婆羅門旃陀羅壞亂佛法  
於我法中而得出家常毀破戒作諸惡行而  
刹利婆羅門盡心供養多畜錢財貪心染著  
取空言語通致信命治生販賣好讀外典墾  
土種植守護錢財產業舍宅守護妻子呪說  
仙藥貪著衣服飲食之物破戒惡行其聲如  
貝實非沙門自言沙門實非梵行自謂梵行  
乃至爲刹利婆羅門恭敬供養聽受刹利旃  
陀羅婆羅門旃陀羅好喜破戒遠離持戒於  
我法中若見有人持戒修善能謙下者學與  
無學一切得向如是比丘皆悉不得恭敬共



養所有言說皆不聽受善男子譬如有人到  
寶渚所捨帝釋青寶及大青寶金銀真珠皆  
悉捨離大價之寶取於水精若我法中如是  
持戒有大功德心常謙下而便捨之取於破  
戒造惡行者成就惡法不生羞恥心無慚愧  
遠離一切大慈大悲反取如是諸惡福田聽  
受其語供養如是造作惡人師及弟子俱墮  
地獄悉具於此十種惡輪刹利旃陀羅婆羅  
門旃陀羅沙門旃陀羅大目旃陀羅先修善  
根今悉消滅乃至墮於阿鼻地獄何等爲十  
破戒惡行如是比丘乃至刹利婆羅門忍樂  
惡見誹謗阿練若比丘愚癡諂曲非毀賢聖

誑惑世間飲食錢財及諸利養求名稱故自  
苦其身毀謗他人嫉妬鬪亂純爲利養莫肯  
聽受信用其語退棄今下遠離實法皆言無  
有得道果者亦無離欲能盡結者但爲利養  
而自顯現慎莫奉事供養是等乃是諂曲誑  
惑之人實非福田趣向道者是時刹利旃陀  
羅婆羅門旃陀羅於阿練若比丘不生恭敬  
希有之心其心顛倒而不承事恭敬供養不  
肯聽受信用彼語即是不能護持法眼紹三  
寶種介時國土天龍鬼神而於三寶信心深  
重皆同瞋恚如是刹利婆羅門等互相語言  
汝今諦觀刹利旃陀羅沙門旃陀羅婆羅門



旃陀羅大呂旃陀羅悉起憍慢一切三寶  
於善根近惡知識退失善法當入惡趣我等  
今日不復擁護如此國土刹利婆羅門等一  
切天龍諸善鬼神既捨離已於其國中堪任  
法器為福田者皆生捨心若一切天神及堪  
任法器應為福田者於彼刹利旃陀羅等生  
捨心已於自國土及餘鄰國皆悉兵起飢饉  
疾疫更相殘害不復歡樂無所愛樂皆悉別  
離忿心慳悋無有矜愍於一切衆生不起慈  
心殺生乃至邪見無慚無愧一切塔寺及僧  
祇物皆悉食取供其衣服瞋諸左右悉生嫌  
隙若與他戰今已軍衆自然退散若欲死時

皆結其舌口不能語趣向地獄復次善男子  
刹利旃陀羅乃至婆羅門旃陀羅皆悉遠離  
諸善知識輕慢三寶無恭敬心不畏後世於  
聲聞乘得少信心謂已聰哲而於辟支佛乘  
及大乘法誹謗不信不讀不誦下至一偈生  
不信心是名謗法若復有人少信辟支佛法  
及大乘法而不信於聲聞之法毀訾譏呵亦  
名誹謗正法是名誹謗三世諸佛正法之藏  
斷八正道破於無量衆生法眼若復有人於  
如來所說聲聞乘辟支佛乘及菩薩乘若作  
障礙若隱蔽覆藏乃至一偈而不恭敬於三  
寶者以是因緣令使守護一切國土天龍善



神以不重信即便瞋恚是刹利諸君乃至結  
舌不語而死墮阿鼻地獄復次善男子若持  
戒有功德者在彼國住具足法器善入捨心  
安住靜室而不數數至檀越舍亦不輕呵惡  
行比丘使彼覺知亦不譏嫌呵責破戒而惡  
行比丘於清淨持戒者所反生譏嫌言作姦  
偽種種妄語於刹利大臣乃至國中一切人  
民男女大小悉於其前生諸誹謗而彼刹利  
旃陀羅等於諸清淨持戒具足修行功德有  
名聞者如是比丘真我弟子具足一切禪定  
解脫善巧言辭便起毀訾而生瞋恚種種惡  
口麁語逼切令受苦惱或奪衣鉢及四方僧

物資業敷具驅遣今出或時繫閉或斬截其  
首善男子諦觀親近惡行比丘者爲得幾所  
罪乃至當墮阿鼻地獄若衆生造作五逆等  
罪及四根本罪誹謗賢聖誹謗正法超過一  
切根本之罪如是惡行諸比丘等我亦不聽  
刑罰鞭杖繫閉乃至斷命以是因緣得大罪  
報況復堅持禁戒清淨行者若有比丘於性  
重罪中若犯罪者雖犯重罪和上衆僧和合  
羯磨所受之戒猶有餘勢譬如妙香雖無香  
質餘分芬馨不可輕懷破戒比丘亦復如是  
無戒白衣不應輕慢雖非法器於賢聖毗尼  
中退沒墮落棄出家法不得受用四方僧物



於衆僧和合所受得戒餘不犯者其戒香氣  
多有勢力是故不聽白衣謫罰善男子往管  
過去有國名迦尸時王名梵摩達多勅旃陀  
羅言雪山下有六牙白象王名鬱波羅華眼  
可拔其牙若不得者汝等五人悉斷其命尔  
時旃陀羅護惜身命詐作沙門外現精進被  
著袈裟如王所勅往至彼山到象王所母象  
見之張弓挽箭生怖畏心語象王言此是獵  
師今已張弓挽箭而來將非我等命欲盡耶  
尔時象王即便見之剃除鬚髮被著袈裟而  
說偈言

被恒沙諸佛 幢相之法衣  
悉捨於諸惡

云何害衆生

尔時母象復說偈言

雖被著袈裟 持弓執毒箭 作惡旃陀羅

無有悲愍心

尔時象王復說偈言

袈裟決定服 以哀愍為本 是必歸佛者

慈悲諸衆生 於此衣無疑 汝當自攝心

能被此服者 欲度生死岸

尔時旃陀羅即以一毒箭射其象王是時母

象見射象王已大喚悲號復說偈言

如是之衣服 應常歸依佛 威儀雖寂靜

而心懷大惡 速疾蹋彼身 斷除其命根



滅此怨命盡 是射汝身者

尔時象王復說偈言

寧速捨身命 不應生惡心

彼雖懷惡心

猶似佛弟子 智者不為己

卒暴起瞋心

常思為衆生 修行於菩提

尔時象王心生慈悲即喚彼人而問之言汝

須何物彼便答言欲須汝牙尔時象王即自

拔牙發大誓願而說偈言

我今以白牙 求佛故奉施 不瞋不貪惜

令衆滅煩惱

善男子我於往昔曾見如是畜生身中求無  
上道能作如是不惜身命為護佛法終不於

彼著袈裟者而作留難於未來世剎利旃陀  
羅輔相旃陀羅婆羅門旃陀羅居士旃陀羅  
以諂曲心欺於世間不畏後世若諸世間有  
求無上道者入我法中而得出家生心惱害  
我諸弟子應成法器及不成者惡口罵詈鞭  
杖謫罰逼切其身則於過去未來現在諸佛  
犯諸重罪趣阿鼻地獄斷諸善根除滅信心  
一切智者之所遠離譬如丈夫雖自無目能  
亦他道我諸弟子亦復如是雖毀禁戒猶能  
利益世間衆生若未來世旃陀羅王乃至居  
士旃陀羅見有依我法中出家若成法器不  
成法器而便擾惱我諸聲聞一切弟子則於



三世無量諸佛作大過罪消滅善心難復人  
身何況毀咎正位聲聞辟支佛及諸大乘無  
量功德善男子譬如過去有國名般闍羅王  
号勝軍時國有人犯王死罪勅守獄人以五繫  
縛送者可畏軻藍冢間令使惡鬼食噉其身時  
守獄人以五繫縛送者可畏軻藍冢間是人  
聞已即剃鬚髮以納袈裟著於頸下尔時守獄  
人受王勅已即捉縛送至可畏軻藍冢間是時  
冢間有羅刹名曰惡眼共五千羅刹俱至冢間  
即見是人被五繫縛在於冢間剃除鬚髮以納  
袈裟繫著於頸尔時羅刹右遶是人而說偈言  
今可自安慰 我終不害汝 剃髮服袈裟

令我憶念佛

尔時羅刹子復說偈言

白母甚飢渴 當須食此人

我得除飢渴

身心決定樂

尔時羅刹母說偈答子

恒沙等諸佛 法式之幢相

於此起惡心

當墮阿鼻獄

尔時羅刹子與其眷屬右遶而說偈言

我等父母共為惡

身口意業造不善

我已捨惡不害汝

被著染衣解脫相

尔時羅刹名為牛齒有五百眷屬俱共圍遶  
入大冢間見被縛人剝除鬚髮以納袈裟繫



其頸下右遶竟已而說偈言

歸依眾聖妙幢相

袈裟繫頸謂其人

我為此故而恭敬

惟願勿怖不害汝

尔時羅刹子復說偈言

母今當知人肉美

應當食肉而飲血

益其氣力得具足

增益身體無所畏

尔時羅刹母復為其子而說偈言

一切世間眾樂具

天龍夜叉及羅刹

悉當恭敬深衣者

當獲種種上妙樂

尔時羅刹子與其眷屬右遶恭敬而說偈言

悉應恭敬而歸依

剃除鬚髮著袈裟

我於過去無數劫

見佛世尊救世者

尔時第三羅刹名曰黃髮亦有五千眷屬而  
自圍遶入大塚間見被縛人剃除鬚髮繫納  
袈裟而著頸下復右遶已而說偈言

仙人幢相我歸依

若能供養得勝利

為袈裟故修供養

應悉除斷諸有縛

尔時黃頭羅刹子而說偈言

我得此人應食噉

國王所遣故來此

當食其肉復飲血

母語子言應供養

尔時黃頭羅刹復為其子而說偈言

如是相人非我食

若起惡心大苦器

尔時羅刹子右遶恭敬復說偈言

如是大仙堪福田

是故應供離有縛



尔時刀口羅刹復與五千羅刹來到冢間見  
繫縛者剃除鬚髮以納袈裟繫其頸下心恭  
敬已而說偈言

有餘生死得涅槃

納袈裟者不應害

若害此人佛所呵

應當尊重而供養

尔時羅刹子復說偈言

我等常吸人精氣

食噉其肉復飲血

是故當食此衆生

令我身體益氣力

尔時羅刹母復為其子而說偈言

若有生心欲加害

剃除鬚髮袈裟者

必墮惡趣阿鼻獄

受苦無量甚長遠

尔時羅刹子與其眷屬右遶被縛者袈裟者

復說偈言

我今怖畏地獄苦

終不惡心害汝命

我等同心當放汝

亦求解脫地獄苦

余時羅刹等即便解放彼被繫人時被縛人  
待至天明到於王所王即廣告一切人民諸  
人集已皆請問王及侍從左右群臣百官是

人得來未曾有也彼王即便立制普告內外  
若我國中有佛聲聞諸弟子等若成法器及  
不成者不起恭敬或加謫罰以是因緣我當  
刑戮乃至致死族姓子閻浮提王及與夜叉  
食血肉者惡心熾盛無憐愍心乃至見剃鬚  
髮繫納袈裟衣以著其頸尚不加害況餘衆生



而起輕慢未來世中當有剎利旃陁羅居士  
旃陁羅造作諸惡復有惡鬼斷於善根趣阿  
鼻地獄若於我法而能出家若成法哭器及不成  
法器剃除鬚髮當奪命根族姓子譬如過去  
有王名曰福德若人有犯罪過乃至繫縛介  
時彼王不欲奪人身命有輔相大臣語王莫  
愁若殺此人或能令王而得大罪大臣自己  
智慧將付狂象介時狂象捉其二足欲撲其  
地而見此人著染色衣故狂象即便安徐置  
地不敢損傷共對蹲坐以鼻舐足而生慈心  
族姓子象是畜生墮於八難見染衣人尚不  
加惡生於害心乃至未來世若有旃陁羅王

見我法中有人出家堪任法器及不成法器  
故作逼惱或奪其命若作是行則口不能語  
命終之後必定墮於阿鼻地獄善男子是名  
第三輪刹利旃陀羅乃至居士旃陀羅雖有  
過去宿植善根現造惡故今盡消滅復次善  
男子當有刹利旃陀羅乃至居士旃陀羅見  
有施四方僧物牀敷卧具塔廟住處及與園  
林屋舍田宅一切淨人牛驢騾馬種種畜生  
衣服飲食湯藥所須資生雜物持戒清淨有  
德比丘辯才聰明言辭應機如是人等悉不  
與之破戒比丘作惡行者給其所須牀褥敷  
具自恣受用并與白衣同共食噉以是因緣



刹利旃陀羅居士旃陀羅命終皆墮阿鼻地  
獄復次族姓子當有利利旃陀羅居士旃陀  
羅見有依我法中出家若聲聞辟支佛乃至  
大乘說法法師誹謗罵辱欺誑正法而作留  
難惱亂法師以是因緣墮阿鼻地獄復次族  
姓子若有利利旃陀羅居士旃陀羅見人有  
與四方僧物華樹果樹雜味樹陰樹香樹或  
聲聞弟子持戒多聞坐禪誦習者所有資生  
眾具若自奪或使人奪自食使人食以是因  
緣命終之後墮阿鼻地獄復次族姓子於未  
來世當有利利旃陀羅居士旃陀羅毀壞我  
法若見依我法中而出家者於此人所數數

瞋恚罵詈毀辱我所說法不肯信受破壞塔  
寺僧坊堂舍殺害比丘先所修習一切善根  
皆悉滅盡命欲終時支節皆疼如火焚燒其  
人舌根如被繫縛於多日中口不能語命終  
之後墮阿鼻地獄若成就如是十種惡輪不  
善衆生難得人身況復能成聲聞辟支佛果  
乃至成就具足大乘一切諸佛所不能救善  
男子譬如壓油一一麻中皆生諸蟲以壓油  
輪而壓取之即便得油善男子汝等當看壓  
油之人於其日夜為應定殺幾所衆生若復  
有人以是十輪而壓油者一輪一日一夜壓  
油千斛如是乃至滿於千年是壓油人得幾



所罪地藏菩薩言甚多世尊無量無邊阿僧祇數此壓油人得如是罪無有能知是人罪量其數多少惟佛與佛乃能知之佛言善男子譬如十輪之罪等一姪女舍其舍有十女人皆爲求欲如是十姪女舍其罪等一酒家如是十酒家等一屠兒舍如是十屠兒舍罪等刹利旃陀羅居士旃陀羅十輪中等於一輪一日一夜罪尔時世尊而說偈言

十輪罪等一姪舍

十姪罪等同一酒

十酒罪等一屠兒

十屠兒罪等同一王

尔時地藏菩薩摩訶薩白佛言世尊若有真善刹利輔相大臣真善沙門真善婆羅門真

善居士自護護他於將來世守護佛法守護  
堪任法器及不堪法器者乃至守護剃除鬚  
髮者染衣者持戒清淨有功德者供養恭敬  
聽受言教於聲聞辟支佛法皆悉守護諦聽  
受持守護大乘如聞信受住大乘者持戒多  
聞言辭清辯與如此人對相歡娛則心悅樂  
諮問議論敬受教誨遠離破戒非梵行者四  
方僧物而自食噉私竊費用不依戒律隨順  
十惡不善輪者亦令捨離不與從事教學失  
王治國舊法典禮制度紹三寶種常令熾然  
親近一切諸善知識遵用前王所行正法是  
名真善刹利得幾所福滅幾所罪佛言族姓



子譬如丈夫欲求出世集諸珍寶滿閻浮提  
若值佛出并聲聞衆於其晨朝修行布施日  
中亦施如是次第乃至千年常修布施種種  
供養族姓子如是行施得大福不地藏菩薩  
白佛言世尊其福甚多無量無邊阿僧祇數  
無能稱量如是福者惟佛世尊乃能知之佛  
言如是如汝所說若有真善刹利遠離不善  
十惡之輪亦能遮制斷除諸惡如上所說是  
人功德倍多於前假設有以四天下盡爲  
四方衆僧建立房舍卧具醫藥皆悉給足假  
使百千億聲聞弟子及菩薩摩訶薩修行種  
種無量法門坐禪誦經教他諸善如此之人

其福多不於上千年修行布施供養功德復  
倍於前假設有入於四天下盡為建立僧房  
堂閣卧具醫藥皆悉具足滿百千億聲聞弟  
子菩薩摩訶薩修諸法門一切諸善坐禪誦  
經教化功德得幾所福答言世尊其所得福  
無量無邊阿僧祇數善男子假設滿三千大  
千世界為舍利故起諸塔廟徧滿三千大千  
世界如是造塔功德無量其福日夜常得增  
長四方造作僧房卧具醫藥所須一切悉給  
起塔功德復倍於前假使三千大千世界滿  
中菩薩具足六波羅蜜如稻麻竹葦假設滿  
三千大千世界聲聞羅漢具八解脫亦如稻



麻竹葦叢林皆被囚執堅固繫縛乃經一劫  
復有一人出現於世爲福因緣故皆悉解諸  
菩薩及阿羅漢被繫縛者并與洗浴給其衣  
服瓶鉢房舍飲食醫藥種種卧具乃至百千  
萬歲盡入涅槃復取舍利而供養之爲一一  
舍利起七寶塔供養如是七寶塔故各以香  
華及諸伎樂繒蓋幢幡若復有人爲如來故  
起諸塔廟乃至滿三千大千世界其所得福  
百千億分不如解此被縛功德真善刹利真  
善婆羅門真善居士真善沙門如是福聚增  
長無量阿僧祇數於末法中法欲滅時能善  
自護亦護他人於未來世常護佛法亦復護

我聲聞弟子堪任法器及不任者乃至剃除  
鬚髮被著袈裟不應擾亂而作惱害若有親  
近供養聲聞乘者亦不得惱亂亦復不應願  
樂供養於大乘者終不欺毀修辟支佛乘者  
亦自親近供養堅固受持大乘之法安住大  
乘有功德者善巧機辯恒樂親近諮問義論  
問已隨順受持而於一切惡行比丘皆悉遠  
離不應與同四方僧食共受利養自不染著  
十惡之輪亦不教他今生染著皆悉修習先  
王之道具行十善常當親近諸善知識熾然  
法眼如是真善刹利得福倍多無量無邊終  
不虛食國民俸祿天龍夜叉輒闍婆阿脩羅



迦樓羅緊那羅摩睺羅伽乃至富多那等皆  
悉愛念同共擁護若有一切堪任福田成法  
器者皆悉愛念同共擁護已國增長若他國  
土亦令增廣枯竭惡道利益天人守護壽命  
令得久長自滅結使亦能滅他一切煩惱成  
就菩提滿足六波羅蜜遠離一切惡道而隨  
生死流轉無數於生死中而無譏嫌常值善  
知識悉與諸佛菩薩共俱遠惡知識如是不  
久成就佛國得阿耨多羅三藐三菩提爾時  
一切天帝及諸眷屬乃至毗舍闍帝釋及諸  
眷屬從座而起合掌向佛白佛言世尊於未  
來世有真善刹利王乃至真善居士若能遠

離此十惡輪守護已身亦能護他及護持正  
法紹三寶種熾然不斷成熟三乘於佛所說  
悉能信受如法供養諸佛所說終不覆藏我  
等眷屬與真善刹利王乃至真善居士當以  
十法守護此人今得增長何等為十為護壽  
命終不橫死除諸非法常得少病眷屬安隱  
財產增長具足大富名稱遠聞親近善知識  
智慧增長如是真善刹利乃至真善居士遠  
離一切十惡輪者如佛所說當以十種善法  
而守護之今得增長何等為十所謂怨賊外  
敵不能侵害色聲香味觸無不可喜者一切  
病痛邪縛邪歸依一切疑悔一切邪諂一切



惡友一切不善根本一切夭橫死六真善刹  
利具足功德如上所說皆悉除滅當以十善  
法守護是人復次世尊若真善刹利如上所  
說功德滿足皆悉修行我當以此十法守護  
刹利國土之人何等爲十懼鄰國怨敵畏非  
人畏於亢旱畏於霖雨畏非時風畏非時惡  
星變恠畏飢饉畏非時病死畏惡邪見畏真  
善刹利於上所說能修行者我等當以十法  
守護國土及諸人民尔時世尊讚天帝釋乃  
至富多那等善哉善哉善男子皆是汝等之  
所應作尔時天藏大梵即從座起整其衣服  
右膝著地長跪叉手白佛言世尊惟願聽我

說是真善刹利轉不退轉地陀羅尼心呪章  
句以此不退轉地陀羅尼神呪力故使未來  
世真善刹利令邊國怨敵自然退散使身口  
意戒成就得勝智慧爲一切智人之所讚歎  
遠離諸惡常修行善遠離一切邪見邪歸依  
精進堅固成熟無量諸衆生故得自在智六  
波羅蜜珍寶伏藏具足增長遠離一切瞋恚  
慳貪諸惡嫉妬常爲天人之所守護得不退  
轉菩提之心不捨一切衆生得四攝法無所  
疑問成熟法器具足福田親近菩薩諸聲聞  
衆利益一切善男子真善刹利終不退轉菩  
提之心得陀羅尼神力功德於未來世最勝



不壞無所譏嫌常近諸佛一切菩薩今時天  
藏大梵即說呪曰

多闍他 牟尼冒梨 牟那舍囉鞞 牟尼

夷梨陁夜末啼 盧闍毗闍隸 牟那栗芝

阿昵伽 弥叟迦囉博差 波羅舍博差

蜜羅博差 掃囉婆慄啼 兜羅拏栗婆隸

鉢哆叉栗婆隸 奮奮拏弥隸 阿鞞叉婆

隸 阿娑菟阿祇梨梵牟尼波陁鞞 私婆呵

今時天藏大梵說是呪已白佛言我願世尊

於此陁羅尼心生隨喜佛言善哉善哉大梵

我於此呪心生歡喜時會大眾亦稱善哉快

說此陁羅尼也今時佛告大目健連弥勒菩

薩摩訶薩汝等受持不退轉地心陀羅尼能  
令真善刹利安樂利益為轉法輪故為名稱  
利故為威德故為滅諸邪見故為建立正見  
故為守護法眼故為無邊衆生令得成熟故  
為使堅固大乘不退故為伎滿足六波羅蜜  
故余時世尊欲重宣此義而說偈言

余時天藏梵發問兩足尊  
修禪而誦習勇猛強勸佐  
刹利有智者利根等衆生  
云何滅煩惱云何住不退  
佛時答彼言  
犯重墮落者雖意有明利  
急趣阿鼻獄  
此十種惡輪無智所修行  
則斷善根本  
速疾墮地獄禪定亦滅結  
非獨多聞智



若欲得解脫

應當勤修禪

智者常精進

守護我正法

以恭敬袈裟

能度煩惱海

樂處於空林

遠離五逆罪

持戒修禪定

能度煩惱海

若有信三乘

熾然於佛法

供養染衣者

得大功德海

能調難伏心

不舉比丘罪

聖種修少欲

獲得兩足尊

遠離惡比丘

恭敬親賢聖

不食僧祇物

速到於菩提

三界得妙樂

三寶出於世

若欲得安樂

當供養三寶

三寶旃陀羅

刹利作過者

惡比丘伴黨

速疾墮地獄

如是十輪罪

等於一姪女

以是十姪罪

亦等司一酒

如是十酒罪

復等於一屨

以是十屠罪	亦同於一王	有真善刹利
供養於正法	三乘得熾盛	當獲功德海
具足七寶等	徧滿閻浮提	持用施諸佛
其福猶有限	乃至四天下	造僧房供養
彼雖得大福	不如護正法	假使為諸佛
滿中造塔廟	彼雖得大福	不如護正法
羅漢諸菩薩	解縛而供養	顯現於我法
其福倍於彼	修禪億千劫	不為諸佛護
若不隱正法	諸佛速護念	若真善刹利
遠離十惡輪	能守護佛法	及持袈裟者
不謗毀正法	我所說三乘	聞已能供養
護持法器者	譬如五日出	能竭於大海



若護我法者	則竭煩惱結	譬如風災起
悉摧一切山	若護正法者	亦滅諸煩惱
譬如水災起	漂蕩壞大地	若護正法者
亦消諸煩惱	世有如意寶	能滿人所願
若說三乘法	隨願亦皆得	譬如獲寶瓶
盡破於貧窮	如是破煩惱	速疾得菩提
如月十五日	光明滿虛空	得是智慧者
滿足護正法	如空無所有	無物亦無相
守護正法者	是智無疑惑	如日所照處
能除諸闇冥	守護正法者	是則得照明

冑字貴販賣上方墾土音懇矜愍上居陵反

嫌隙下丘歷反盜字鉢挽箭上音晚悲號下胡反

躡亦徒谷反軻藍上口何反撲蒲角反蹲坐上音

舐神只反蟲直方斛二同胡谷反稻麻上音

道禾竹葦下羽鬼反友橫上於小反下玄孟反

先旱上反霖雨上音林昌莫報反舊音也鞞步


反上芝艮一反尼日咻正音叔慄艮日兜

反丁侯拏反加音之反丁賀反奮方問反奴侯

大方廣十輪經四卷釋音

董琦





猪飼順良壽附

